

*mur in Domino, ut conjunctis studiis, & animis, exitiosa Duellorum licentia, quâ Regnorum tranquillitas, populorum securitas, atque incolumitas, neque corporum solum, sed, qua nullo pretio aestimari potest, aterna animarum vita certo periclitatur, omni nisu & constantiâ vehementer obsistant. Neque sibi, suaeque in Deum fidei, munerisque rationi fecisse satis intelligant, quod optimè constitutis Legibus, indictisque gravissimis poenis horrendum scelus proscriptum sit, nisi accuratam ipsarum Legum, poenarumque executionem naviter urgeant, ac promoveant, seque inexorabiles Dei vindices in eos, qui talia agunt, diligenter exhibeant: Nam si delinquentes aut oscitanter ferant, aut molliter puniant, alieno sese crimine polluent, omnisque illius sanguinis reos se constituent, quem ita crudeliter inultum effundi permiserint. Vani enim falsique honoris idolo humanas litari victimas impunè feret supremus omnium Judex Deus; rationem ab iis aliquando exacturus, quorum est divina & humana jura tueri, sibiue creditorum hominum vitam servare, pro quibus sanguinem ipse suum Jesus Christus effudit.*

*Volumus autem ut praesentium Litterarum transumptis etiam impressis, Notarii publici manu subscriptis, & sigillo persona Ecclesiasticâ dignitate constituta munitis, eadem ubique, etiam in judicio, fides habeatur, qua ipsis praesentibus haberetur, si originaliter forent exhibita vel ostensa: Utque eadem praesentes in consuetis locis publicis hujus Alma Urbis per Cursores Nostros, ut moris est, publicata & affixa, omnes & singulos, quos concernunt, seu concernent in futurum, perinde afficiant, ac si unicuique illorum personaliter intimata & notificata fuissent.*

*Nulli ergo omnino hominum liceat paginam hanc*